

SU - Luster ungdomsskule

Møtereferat

Dato: 29.04.2014

Tid: 19:00-21:00

Referent: Aud Teigen

Møte nr: 1/2014

Stad: Luster ungdomsskule

Møteleiar: Linda Huseby

Tilstade: Linda Huseby, Svein Ove Slinde, Mariann Vigdal (for Stein Olav Njøs), Henrik Thorsnes Lefdal, Ida Falkgjerdet Svåi, Odd Bukve, Tore Sviggum, Stian Kvaløren og Aud Teigen

Sak 1/2014 Undervisningstilbod i 2.framandspråk og fordjupingsfag for skuleåret 2014/15

FAU ynskjer at skulen skal tilby engelsk fordjuping i tillegg til norsk fordjuping og tysk som 2.framandspråk.

Odd orienterte og sa at dette ikkje fekk innverknad på det økonomiske då det framleis vil vere tre grupper. Skulen har undervisningspersonale, men må kjøpe inn lærebøker.

Svein Ove påpeikte at det er viktig at elevane får god rådgjeving og informasjon i forkant med tanke på kva valet på ungdomsskulen får å seie for vidaregåande.

SU si tilråding: Går for å tilby engelsk fordjuping i tillegg til norsk fordjuping og tysk. Presisere kva konsekvensar valet på ungdomsskulen får å seie for val ein kan gjere på vidaregåande.

Sak 2/2014 Undervisningstilbod i valfag for skuleåret 2014/15

Skulen ynskjer å tilby valfaga: *Fysisk aktivitet og helse*, *Teknologi i praksis* og *Trafikk* for 9. og 10. klasse. For 8. klasse *Fysisk aktivitet og helse*, *Teknologi i praksis*, og eventuelt eit 3. valfag.

SU si tilråding: Går for skulen sitt forslag, men presiserer at det er viktig å tilby eit 3. valfag i 8. klasse.

Sak 3/2014 Vurdering i valfag

Tore og Odd orienterte om retningslinjene for karakterfastsetjing i valfag og viste til rundskriv frå U-dir – 7 – 2012. Det skal setjast karakter etter kvart år. Alle standpunktkarakterane skal førast på vitnemålet, men det vert berekna eit gjennomsnitt som tel som opptak til vidaregåande. Det vil seie at valfag ved inntak vidaregåande i praksis er éin standpunktkarakter når poengsummen til eleven vert berekna.

Sak 4/2014 FAU og valperiode

FAU ynskjer å få utgreidd om ein kan velje foreldrerrepresentantar for to år, og legg fram eit forslag til SU.

SU si tilråding: Går for framlegget, men ein kan endre valet i 9. klasse hausten 2014 til å gjelda for eit år. Innføre endringa frå hausten 2014.

Sak 5/2014 Mobilbruk i skuletida

Elevrådet sin leiar, Henrik Thorsnes Lefdal, orienterte etter at saka har vore teke opp i elevrådet. Han fortel at ein ser ei positiv endring ved at elevane er meir sosiale i friminuttane. Sjølv sagt ynskjer elevane å kunne bruke mobilen i skuletida, men elevrådet ser farane ved at elevane då vil gå tilbake til meir speling og på den måten bli mindre sosiale.

Lærarrepresentantane melder òg om meir sosiale elevar, og at det er enklare for lærarane å observere om nokon ikkje vert inkluderte.

SU si tilråding: Oppretthalde forbodet som i dag. Mobilen må vere avslått i skuletida. Dersom ein har behov for å nytte mobilen, gjer ein avtale med kontaktlærar.

Sak 6/2014 Ymse

Studietime: Elevrådet ynskjer å halde fram tilbodet om ein studietime per veke.

Musikkrom: Saka er kommen inn i økonomiplanen til kommunen. FAU vil ta opp det seinare.

Sak 7/2014 Referatsaker

Rektor orienterte om at tilsetjinga for neste skuleår snart er klar, og at timeplanlegginga då kan starte.